

古蹟

莆田縣志稿
林岵瞻修

古蹟

城內

宋軍治

在郡城南舊興化衛署是也郡人陳仁璧爲正
廳記正廳東有桂籍堂宋進士題名處小廳東
有清心堂太守曹脩古有夏日清心堂睡起詩
天府鞫囚正節日霜臺待漏五更時薰風一覺
清涼睡莫問浮名高與卑及太守徐師閔荔支
譜刻于壁紹興二十年有五色雀集于正廳榕

木上芝產後圃麥秀兩歧太守陸渙更名三瑞

堂

●通判廳

在軍治西今舊察院行臺是也

●廣節指揮營

在郡治東北宋設教閱廂軍今莆田縣治是也

●舊莆田縣治

在城西南隅今興化府署是也慶歷四年知縣

張緯新中堂掘地而夸之得一石脩廣各五尺

驗之無刻鏤痕係墨蹟其文曰石敢當鎮百鬼
壓災殃官吏福百姓康風教盛禮樂張唐大歷
四年墨蹟如故前號大歷後號慶歷前四年五
月後四年五月及所得之日無差契合如此亦
一奇事也

貢院

鳳池書院藏

在府治東龍門下宋制每三歲詔各舉進士
乾道七年知軍何侂始議創于使者行部之舍
卽此地也後以試員益衆又移南山廣化寺士

病其遠淳熙二年姚康朝因行舍舊址斥而大
之中有觀光堂選舉堂考試官位監試主文位
謄錄彌封二所陳俊卿爲記外有擢秀興賢二
坊郡宴鹿鳴畢士乃謁令置酒畢由龍門而出
三歲率以爲常

子城

宋軍治護城古稱衙城周圍二里餘覆以瓦

宣真門

宋軍治東北門也宣和間建在今兼濟橋南有

石域尚存

共樂亭

在州峯之巔郡登眺最勝處宋蔡忠惠襄詩層
巒高與赤霄通節歲歡娛衆庶同庭有美音非
獨樂會當炎暑自多風山川形勢欄杆下井徑
追遊月色中私幸編年吾客在使君樽酒未應
空宣和六年太守廖剛改亭爲臺後有岸幘軒
又改爲後樂臺前有平遠亭又曰競秀隆興二
年知軍劉韞榜其門曰芳菲谷陳正獻俊卿詩

共樂臺前花木深登臨當暑豁衣襟紅垂荔子
千家熟翠擁篴簫十畝陰老退已尋居士服清
欽時伴醉翁吟憑欄四望豐年稼差慰平生憂
國心

望海亭

在梅峯之上由共樂亭循城西偏數百步而至
面勢豁然蒼莽無際正字方翦爲之記

觀稼榭

在薛公池前宋宣和間建

左丞雨右丞雨石

在郡城烏石山東南一刻左丞雨旁細字云至
正癸卯夏秋不雨禾漸枯分省鄭收率都鎮撫
吳維賢從事官宋應福於七月三日設壇請禱
越三日大雨士民俞志甫等勒石以記一刻右
丞雨旁細字云大德庚子春耕乏雨行省右丞
札刺立丁持節過莆議捐俸脩廟學大雨隨至
莆人咸喜曰此右丞公雨也文學椽莊邦元請
于郡官鐫茲巖石以志

一經書堂

在城中東廂宋方萬與其友講經術處朱子扁其堂曰一經

✓ 畫屏卷虎亭

在城西左廂傳黃涅槃騎虎停此陳鉞有晚過畫屏卷詩瓦礫平鋪石磴斜棘枝藤刺接桑麻老翁聞說當年事指點東鄰是相家

城外

✓ 唐游洋鎮

在興泰里萬山中唐時設鎮宋改爲興化縣皇
慶中遷于廣業里湘溪明正統中草

四覽亭

在城外南二里下瞰永豐塘崇宣四年太守郭
重建淳熙九年太守林元仲以亭前隙地斥其
半創林父軒祠堂紹興二年太守趙彥勵重修

湖信亭

在城外東五里熙宣橋之西宋知軍張讀建風
靜波平壺山倒影于此

登瀛閣

在望江里巖嶂高閣層軒下瞰大海唐宋時藉以稍障東方之缺後廢萬歷中尚書林堯俞建石塔五級于此

越王臺

在廣業里環山之巔築臺十餘層石礎猶存按王東越王郢弟餘善也據東越之地與郢相攻殺武帝遣兵討之餘善走竄身此山之下舊云越王無諸避地于此侍郎林光朝有登越王臺

詩云千年嶺海共橫梁一帶風煙襍採樵

● 壽峰義齋

在興化縣虎蹲岡天禧間方朝議詠與其弟三禮洞以詩賦擅名築齋于此以來四方賢士如陳升之夏竦曾公亮皆不遠而至一夕有花七枝置几上以爲山神所獻也是歲七人俱應薦已而相踵登第

● 上林義齋

在城東北三十里逸士黃問建以聚四方英俊

立爲五規詳見子君俞傳

✓ 歐陽四門故宅

在北螺村

● 江梅妃故宅

在東華溝中有曰如鷺脰田中有石一片至今
相傳爲江梅妃祖墳朱司訓仕玠過江梅妃故
里詩云山礬水漲渚添痕傳說江妃舊住村青
塚魂歸同寄恨莆陽端不讓荆門玉環豐膩洵
無倫窈窕樓東更絕塵翻笑上皇誠錯計馬嵬

亡國竟何人蜀關西望六龍奔
畢命溫泉識刃痕
懔懔史官編外戚不書名姓慰貞魂
悵望華清渥澤頻閒拈玉管
倍傷神古來嬪御誰相匹
長信宮中奉侍人

● 蔡襄宅

在郡南門蔡宅王學士十朋有過端明故居詩
云懷章南過蔡公鄉
駐馬遙瞻數仞墻
丹荔株株經品藻
喬松葉葉惠清涼
四賢詩出人增氣
三諫章成國有光
真是濟川三昧手
清源游戲

作虹梁

唐甘露林

在文賦里潘嶺之原孝子林攢廬墓處貞元壬
申二月四日甘露降於壠上松柏枝葉皆遍粒
如粳米日高不晴十一月十七日再降次年正
月二十五日又降又有白鳥之祥詔旌其門明
成祖御製詩二章老母衰年苦病侵福唐作尉
思難任還家未久慈親歿不盡當年返哺心白
鳥遶墓重廻旋甘露瀼瀼降自天試看莆田林

孝子門閭烜赫姓名傳

宋甘露林

在維新里壺公深瀆村孝子郭義重廬墓處紹
興四年五六月甘露降墓側柏木及廬門竹枝
赫日當空撒下雨至十月加盛又烏鵲馴集
巢于木上事聞詔旌其門明成祖御製詩二章
親亡徒跣爲奔喪嘔血長因一痛傷廬墓營墳
心最苦手栽松柏更蒼蒼烏鵲來馴甘露降天
因至孝表嘉祥門閭當日蒙褒顯青簡猶留

世芳

明甘露山

孝子周鳴鸞廬墓處在壺山頂蕉坑墓廬卽在墓埕中墻址現存當時甘露屢降郡爲立坊曰甘露之禎山上布石刻曰甘露山

投盒灘

在木蘭陂下神僧馮智日爲李長者授築陂方畧旣定基卽投盒于江一以上覆一以下承而去須臾沙壅成灘潮勢稍障陂藉以成今灘尚